

እይትምሰባብ ጳውሎስታ ክታ እርንዳ ተሰሎንቄ ኤድንከሰካንታ እርድንታ

ተሰሎንቄ ካተመና መቄዶንያ ጋይምድን ሮማ ባንቶን ገብዝድን ፍጨንታ ኤሰምሳን ካተማ ዐቁ፥ ጳውሎስ ተሰሎቀ ካተመናር ምክሰ ኤሄንም ክት ዎጀንዳ ፍልጽሰዮሰ ካተመን ዛቅሶ ይ እይሳንደታ ቡርዬ፥ ማታጋካ ዳት እይሁድንከሰታ እሚንን እሚንካንታ ግግምሶ ዐቅባብከሰ እይሁድ ማታክባብከሰ ጳውሎስ ኬዘድን እሚንንታ ኬዘንካ ክት ኤእሳንካንታ እይሁድንከሰ ቀምሰምሰኮ ጳውሎስዘን ግርንተን እምሰሰኬ፥ ኮካንተረ ጳውሎስ ተሰሎንቄ ካተመን ዛቅሶ ኦስ ቤርያ ካተመናር እይካንታ ዝግዜ፥ መራ ይ ጋምእሳንደታ ቡሪ ቆርንቶስ ካተመናር ይ የልሳንግንዳ ክትም ቅንቶካ እሌር ዐቅባብ ጠማቶስ ተሰሎንቄ ካተመናር እይሶ ይ ማቻንደትምኬ ምክሰ ኤሄናር ይይማዶቅድንደትም ሙዳ ክትካንታ ኬዜ።

ጳውሎስ እሪ ክቴንም ተሰሎንቄ ኤድንከሰካንታ ክት ጸፍሳንዳ እሚንድባብከሰም ዛብሰካንተኬ ዳቅሰካንታ ዐቁ፥ ኬታ እሚንንከኬ ኬታ ሶልመንካ ኡርማ ኬዘን ይ ኤሰርሳንካ ሳብም ኖ ጋለቹ፥ ጳውሎስረ ኬታ ዎክያር ይ ዐፈርሳንደትካ ዐስግንዳ ደቅንት ይ ደቃዐቃናንከረ ከትካንታ ገቀርሰዘዴ፥ ኮታዘንከረ ክርሰቶስታ ቃሰትምሰ ዐድንተንንካ እምሳን ኦይሰንካ ኬዘንታ ማሰንም ማዘዴ፥ ከትኬና ኦይሰንከሳርንከረ ቶክምንከሰ።

“ክርሰቶስ ማት ዐተርንደታ እሪ እሚንሶ ደእሰባብ ክርሰቶስታ ማት ዐድንካ ዐፍሰዝድን ሰለንክንደታ ደቅንተን ተይድባብ ማዶ? ክርሰቶስ ማቲ ክት ዐድንዳ ዐንተረ?” ኩን ጋይድባብከሰኬ፥ ጳውሎስረ ኮትኮ ኬታ ኦይሰንከዘንካ እምሳንዳ ማዘድዮ “ክርሰቶስታ ቃሰትምሰ ዐድንተንንታ ኤሰሰን ጉርምካ የታ ካርሰረቶ ኮትኮ ክታ ዐድንተንንታ ሰጪን የለልታ ዳብን ጋይሰቶ የንታ ፍክሰንም ፍክሰከቴ” ጋይንተካ ክትም ኖ ዘርሴ።

ኮትኮ ማጸፍንታ ሙዳ የድንተና

እርድንታ (1:1)

ጳውሎስታ ጉርሞኬ ጋለትንካ (1:2—3:13)

አሜንድባብከስታ ዶቅንትታ ዋገና (4:12)

ክርስቶስታ ቃስትምስ ዐድንተታ ኤስሰና (4:13—5:11)

ዞራ (5:12-22)

በእንታ (5:23-28)

1 ሳብ ባበንተኬ ጮይሰ የሱስ ክርስቶስታ ኮች ማችባብ ተሰሎንቄ ካተመናር ዶቅድን ምክስ ኤሄንካንታ፡ ጳውሎስዘንካ፡ ስላስዘንኬ ጢማቶስዘንካ ኦይትምሳንዳ ክቴ፡ ዉች እምንተንኬ ሳራትችና የካንታ ማታ፡፡

ተሰሎንቄ ፍጨናር ኤድንከስታ ዶቅንተንኬ አሜንካ

2 ዋታ ሙዳዐይካ የም ዋንታ ምክስንካ ገቅረርቶ ሳብም ጋለደቴ፡፡

3 ዋንታ ጮይሰንተኬ ዋንታ ባበንታ እሪ የንታ አሜንና ፍግዝድንደትም፡ ሶልማካንታ የ ይድንደትምኬ ዋንታ ጮይሰ የሱስ ክርስቶሳር የንታ ዶቅድን ዐድን ጉርሞን ዳንዳእካ የንታ ካርሰን ባቀራኮትዶቆ ገቀርደቴ፡፡

4 ሳብካ ሶልምምሰባብ እስታ እስመንከስኬ ምችንከሶ፡ ሳብ የም እጃንደትም ኤዘደቴ፡፡

5 ዋንታ ክላ ኬዘንም የካንታ ዋ ኤስምሳንዳ ኬዘካ ዐክ ማታክናና ዋልቀኬ እያን ጭልንካ፡ ኮ ክላ ኬዘንታ ዶፈንንካ ዋተረ ዶፈን ማትንተኬ፡ የንካ ክክን ዋ ዐቃንደትዐይካ የካንታ ጋይሶቶ ዐስግንዳ ዋ ዶቅሳናንከረ የታ ኤዘደቴ፡፡

6 በድ ማጣ የንዘን የልሰንከረ ዋራ እያን ጭልንዘንካ ዐፈርሳን ጉርሞንካ ቃለንም ተይሶቶ ዋንተኬ ጮይሰ የሱስታ ካምሰንም ጎርሰምድባብከስ ማተቴ፡፡

7 ኮካንታ መቅደንያርኬ እካያ አዉራጀናር ዶቅድን አሜንድባብከስ ሙደንካንታ ኡርማ ካምሰ ማተቴ፡፡

8 ጮይሰታ ቃለና የንዘንካ ዉትሶ ኤስምሳንዳ መቀደንያርኬ እካያ አዉራጀናር ዐክ ማታክናና ሳብካ የንታ ዶቅድን አሜንና ሙዳ ካርያር ኤስምቴ፡ ኮትኮካካ ዐረሰነረ ኬዛ ዋም ዝክሳዬ፡፡

9 የንደር ዋ ዐዳንደትካ ዐስግንዳ ዋም የ ምክሳናንከረ ስለንካ ዶቅድባብምኬ ዶፈን ጮይሰንታ ፍክስካንታ ጮይሰ ማታክባብከዘንካ ፋስምሶቶ ሳብደር ዐስግንዳ የ ማቻናንከረ ከታ ኤድንከስ ይንታ ማታርንካ ማርከርደኬ፡፡

10 ኮትሮግንደረ ሳብ ደእያርንካ እምስሰባብምኬ፥ ዐድን ዋጭንዘንካ ዋም እቅዘድባብ፥ ክታ ይንቅን የሱስታ ጭላርንካ ዐድንተን ዐስግንዳ የ ካርዝዳናንከረ የካንታ ማርከርደኬ።

2

ጳውሎስ ኦይትምስባብ ማትሶ ተሰሎንቃር ክታ ፍክሰና

1 እስመንከሰኬ ምቕንንከሶ! ዋንታ የንደር ዐድንተና እፍካይሳ ማታክንደትም የታ የንታ ማታርንካ ኤዘደቴ።

2 የ ኤዘድንደትግንዳ ኮታ እሪ ፍልጽሰዮስ ካተመናር ዋ ዐቃንደትካ ማጠኬ የክካ ዋንዘን የልቴ፥ ኬዛር ማቼ እንድር ግርና ዋንዘን የልሰንከረ ዋራ ክላ ኬዛንም የካንታ ዋ ኤሰዘድንግንዳ ዋንታ ሳብና ዋካንታ ዋልቃ እምቴ።

3 ዋታ የም ዋ ዘርሳንዳ ኮትርካ እነረ ዳቅል ገቅርካ ጎርሰምሶቶ ካዬ፥ የም ገሰካንታ ዋ ይሳንዳ ዐረሰነረ ሪ ካዬ።

4 ሰግሰሶ ሳብ ክላ ኬዘን ዋካንታ ዋደካ ክት እምሳንዳ ዋንካ እማንምሶ ማቻንኦል ዋታ ኬዘደቴ፥ ኮመረ ዋ ይድንዳ ዋንታ ቡደን ፋሰት ኤዘድባብ ሳብም ጉርምሰካንታ ጋይሶ ዳት ኤድም ጉርምሰካንታ ጋይሶቶ ካዬ።

5 ዋልቃዱተረ ኬዘም ኡርሰካ እነረ ብረታ እንግር ዋንታ ደቅሰንካ ቦድሶ ዋ ኬዛክንደትም የታ የንታ ማታርንካ ኤዘደቴ፥ ሳበረ ዋንታ ማርኬ።

6 የንዘንከረ ማታ አብ ዐይ ኤድንዘንከረ ቦንቹንም ዘጋኮቴ።

7 ክርሰቶስታ ኦይትምስባብ ዋንታ ማትንተንካ ዋም ዝግዘድንደትም የንዘንካ ኦይሰካንታ ማዶት ደቆ፥ ኬዛር ማቼ እንደና ይንታ ይንቹንካንታ ገቀርድንደትግንዳ ቡዳርንካ እትርካ የንታ ዋክያር እንግዛቴ።

8 ኮትሮግንደረ እንድር የም ዋ ሶልምድንካንታ ሳብታ ክላ ኬዘን የካንታ ኤሰምሰ ዐክ ማታክናና ዋንታ ሰንፔንም ዋራ የካንታ እማካንታ ግግምሰባብ ዐቆቴ።

9 እስመንከሰኬ ምቕንንከሶ! ዐስግንዳ ዋ ፍክሳናንኬ ዋ ጋፍሳናንካ የታ ኤዘደቴ፥ ሳብታ ክላ ኬዘን የካንታ ዋ ኤሰምዘድንዐይካ የ ዋልቃባብዘነረ ባላ ዋ ማተራክንግንዳ ዐየከኬ ሶይትካ ፍክሰካ ጋፈሮ ዐቆቴ።

10 የ እሜንድባብከሰታ ዋክያር ዋ ዐቃንደትዐይካ ዐስግንዳ ሳብካንታ ፋሰምኬ ጭልምካ ይንኤርዝድን ሪካይሳ ደቅንተካ ዋ ደቅሳንደትም የታ ዋንታ ማርከቱ፤ ሳበረ ዋንታ ማርኬ፤

11 ባቤና ይንታ ይንቶንከሰካንታ ይድንደትግንዳ ዋተረ የካንታ የ ዋልቃ ዋልቀንከሰካንታ ዋ ይሳንደትም የታ ኤዘደቱ፤

12 ሙዳዐይካ የም ዞረርንደትኬ የም ዛብሰሮቶ ክታ ባንቶምንኬ ክታ ቦንቹንም የ ካሰምተርንግንዳ የም ኤልሰባብ ጮይሰና ክት ጉርምድንግካ የ ደቅተርንግንዳ ዋደ የም ዋ ጋይሳንደትም ኤዘደቱ።

13 ጉጅሰረ የጎካ ዛቃክደቅሶቶ ሳብም ዋ ጋለድንዳ ደቅዴ፤ ኮነረ ዋንዘንካ የ ኤሰርሳንደትም ሳብታ ቃለን የ ተያንደትካ የ እሜንድባብከሰካ ፍግዝድንደትም ኮትኮም ቃለን የ ተያንዳ ኤታ ቃላግንዳ ማታክናና ገታ ሳብታ ቃላ ማሰሴ፤ ገተረ ና ሳብታ ቃሌ።

14 እስመንከሰኬ ምቶንንከሶ፤ የተረ ይሁዳ ሞረናር ዐፈርድባብከሰም የሱሰ ክርሰቶሰካ ሳብታ ዐክ ዐክ ምክሰ ኤሀ ማቶባብከሰታ ካምሰንም ጎርሰምተቱ፤ ኬታ እይሁድንከዘንካ ማጠን ክት ተያንደትግንዳ ሙዳ የተረ የንታ ገታ ኮቶንዘንካ ማጣ የንዘን የልቱ።

15 እይሁድና ጮይሰ የሱሰምኬ ሳብዘንካ ኤሰርሶ ኬዛቅባብከሰም ደይሰባብኬ ዋመረ ዋ ደቅድን ፍጨናርንካ ዳይት ዉቶሰባብከሰኬ፤ ክታ ሳብም ጉርምዝዳክባብከሰኬ ኤድንከሰም ሙዳ ግርድባብከሰኬ፤

16 እይሁድ ማታክባብከሰም እቅዝድን ቃላ ዋ ኬዝዳክንግንዳ ዋራ ዋም ማርደኬ፤ ኮግንደካ ጎመንም ጎመዘን ጉጀረኮ እይደኬ፤ ኮካንታ ሳብታ ዋጭና ቦድሶ ክታዘን የልቱ።

ጳውሎስ ተሰሎንቄ ኤድንከሰም እናካርንካ ሰድንካንታ አንግርና

17 ኬዛር ማቼ እስመንከሰኬ ምቶንንከሶ! እያንካ ማታክናና ዋሄካ ቶክም ሰጫካንታ የንዘንካ ዋንታ ፋሰምንካ የካንታ ዋንታ ደቅድን ሱንርና ቦድ ማቻንኦል ዋንታ እፍይካ የም ሰድንካንታ ቦድ ዝግዞቱ።

18 የንደር ዐድካንታ ዝግቶትዶቆ፡ ኣብንከዘንከረ እታ ጳውሎስ የንደር ዐድካንታ ብድ ገብርትትዶቆ፡ ኬዛር ማቼ ሰጣን ዋም ማርሴ።

19 ይና፡ ዋንታ ዐድን ጉርምና እነረ ታ ዋንታ ጉርምና እነረ ዋንታ ጮይሰን የሱስ ዐድንዐይካ ክታ እሪ ዋ ጋይርድንዳ ጋምንተንታ ዛዉደና የታ ካዮ?

20 ገታ ዋንታ ቦንቼንኬ ጉርምንካ የተቴ።

3

1 ኮካንታ ይና ኮዘንካ ዳንዳእክሳ ዋንታ ነግንተንካ እቴና ካተመናር ዋንት ዋንታ ነግንተና ኡርመም ካምሶ ዋካንታ ዐረፈሴ።

2 ዋንታ እስመንኬ ሳብታ ፍግዝድባብ፡ ክርስቶስታ ክላ ኬዘን ኤሰምሰካ ዋንታ ፍክሰንታ ላኮይት ማቕባብ ጠማቶሰም የካንታ ኦይቶቴ፡ የካንታ ክትም ዋ ኦይቻንደረ የም ዛብዝድንግንደኬ እሜንካ የ ዳቅድንግንዳ የም ዘርድንግንዴ፡

3 ኮነረ የንዘን የልሳን ማጠንካ የ ጭጭዳክንግንዳ የም ይዴ፡ ኮና ማጠና ዋካንታ ጋይምሳንዳ እጫ ማቻንደትም የታ የንታ ማታርንካ ኤዘደቴ።

4 ኮትኮግንደረ የንካ ክክን ዋ ዐቃንደትካ ማጣ ዋንዘን የልድንደትም እሪምሶቶ የካንታ ኬዝድ ዐቆቴ፡ የ ኤዘድንግንደረ ማጠና ዋም የልቴ፡

5 ኮካካ ይና ኮዘንካ ኦሰ ዳንዳእካ ካርሰካንታ እ ማታክንካንታ የንታ እሜንንካካ ኤሰካንታ ዝግሰቶ ጠማቶሰም የንደር ኦይቻቴ፡ ክትም እ ኦይቻንደረ ዐረንግርካ ጳጤንባብ ዋልቃጎግካ የም ጳጭቶ ዐረንግርታ ጋይንተኬ፡ ዋንታ ፍክሰነረ ዉቕኩን ማትሶ ነግቴ ጋይሰቶ ጳሰኬ።

6 ታ ማቼ ጠማቶሰ የንደርንካ ዋንደረ ዐድሶ የንታ እሜንካንተኬ የንታ ሶልመንካንታ ጉርምዝድን ኬዘንም ዋካንታ ኬዜ፡ ኮትኮግንደረ የታ ሙዳዐይካ ኡርመካ ዋም የ ገብርድንደትምኬ ዋታ የም ሰድንካንታ ዋ ሱነርድንደትከካ የተረ ዋም ሰድንካንታ የ ሱነርድንደትም ዋም ኬዜ።

7 ኮካንታ እስመንከሰኬ ምቕንንከሶ፡ ዋ ደቅድንዳ ዘረተኬ ማጠታ ዋሪ ዋ ማቕንከረ ዋራ የንታ እሜንንካካ የንካ ዳቅቶቴ።

8 የንታ ጮይሰ የሱሳር ዛብሶ ደቅና ዋካንተረ ደቅንቴ።

9 ይና ታ የካንታ ሳብም ጋለድቲ፥ የጎከረ ሳብታ እሪ ዋንታ ደቅድን ጉርምንታ ክቲም ጋለድቲ።

10 ሶይትከ ዐዋካ ዳቅሶ ዋ ምግዝድንዳ ዋንታ አፍይካ የም ዋ ሰተርንግንዳ የንታ አሜንንታ ዘግርን ጮቶካንታ ዋ ማተርንግንዳ።

11 ታየረ ዋንታ ጮይሰንኬ ዋንታባቤና ኖይንታ ማተርንካ ዋንታ ጮይሰ የሱሰረ የንደር ዋ ዐድንግንዳ ዋንታ ጎግንም ክት ሉልሳ።

12 ዋታ የም ዋ ሶልምድንግንዳ ክክ ክክኬ አብንከሰካንተረ ሙዳ የንታ ደቅድን ሶልመና ጋጽድንግንደኬ በድንግንዳ ጮይሰ የካንታ ማሳ።

13 ኮግንደካ ዋንታ ጮይሰ የሱሰ ጭልንባብከሰ ሙደንካ ክክን ክት ዐድንግንዳ ዋንታ ጮይሰንተኬ ዋንታ ባቤንታ እሪ የንታ ቡደና ይንኤርዝድ ሪ ካየንደትኬ ሳብካንታ ፋሰምሳንዳ ማተርንግንዳ የም ዛብዝዴ።

4

ሳብም ጉርምዝድን ደቅንት

1 ይና ኮዘንከረ እሰመንከሰኬ ምቹነንከሶ! ሳብም ጉርምሰካንታ ዐስግንዳ ደቅንት የም ዝግዝድንዳማቼረ ዋንዘንካ ኤሰተቲ፥ ታየረ የ ደቅድንዳ ኮትኮግንዳ፥ ጮይሰ የሱሰታ ላምንካ ዋ የም ምግዝድንደትኬ ዋ የም ዘርድንደረ ኮታ ኤና እሪ የ ይሳንደትዘንካ ሰግሰሶ የ ይተርንግንዳ።

2 ጮይሰ የሱሰታ ላምካ ዐስግንደን ክታ ዋ የካንታ እምሳናንከረ የታ ኤዘደቲ።

3 ሳብታ ጋይተና የ ሳብካንታ ፋሰምሰባብ ማተርንግንደኬ ቤልምዘንካ የ ጎተርተርንግንዳ።

4 የንታርንካ ዋልቃ ዋልቃና ይንታ ገታ ዘንንም ሳብካንታ ፋሰምሳንዳ ማሰሰንደትኬ ቦንቹካ ካርሰሶ የድንም ክት ኤሳ።

5 ሳብም ኤዘዳክን አይሁድ ማታክባብከሰግንዳ ቤልምታ አንግር ክታዘን ዐይዶቃ።

6 ኮ ሪንካ ዐየነረ ኤድ ዐይኮተራ፥ አብ ይንታ እሰመን አሜንድባብም ዐይንሰሳ፥ ኮታ ኤና እሪ ዋ የካንታ ኬዛንግንደኬ ዋ የም ኤግዘምሳንግንዳ ክትኬና ሪንከሰም ይድባብከሰም ጮይሰ ይንታ ይምኤንም ከታዘን ቡልዴ።

7 ሳብ ዋም ኤልሳንዳ ሳብካንታ ፋሰምሶ ዋ ደቅድንግንዳ ዳት ቱነካ ዋ ደቅድንግንዳ ካዬ።

8 ኮካንታ ኮም ዞረን ግርድባብ፡ ክት ግርድንዳ ጭል ይንታ ኢያንን የም እምድባብ ሳብም ዳት ኤድም ካዬ።

9 ክክ ክክ ሶልማጎካ የታ የንታ ማታርንካ ሳብዘንካ የ ኤሳንጎካ ኮርንካንታ ዐየነረ የካንታ ጸብድንግንዳ ዝክሳዬ።

10 መቄዶንያ እዉራጀናር ሙዳ ዶቅድባብ እስመንከሰምኬ ምቕንንከሰም ሙዳ ሶልምድቲ፡ ማቕንከረ እስመንከሰኬ ምቕንንከሶ፡ ታ የም ዎ ዞርድንዳ ሰግሰሶ የ ሶልምተርንግንዴ፡

11 ሰምንጋይሰረ ዶቅካንታ የ ጉርተርንግንደኬ የንታ ሪነረ የ ገቀርተርንግንዳ ኮታ ኤና እሪ ዎ የም ክትሳንደትግንደረ የንታ ገታ እንካ የ ፍግዝድንግንዴ።

12 ኮግንደካ እመንዳክን ኤድንከሰታ ላማር ቦንቕምሰባብከሰ ማተረቲ፡ ዐየንዘነረ ገክንሰባብ ማተራከቲ።

ቃሰትምስ ጮይሰታ ዐድንታ

13 እስመንከሰኬ ምቕንንከሶ! ዐድን ጉርም ካየንባብ ኤድንከሰግንዳ የ ሞርእተራክንግንዳ ደእሰባብ ኤድንከሰጎካ ዶፈንን የ ኤዘድንግንዳ ሶልምድቲ።

14 የሱሰ ደእሳንደትምኬ ደእናርንከረ እምሳንደትም ዎታ እመንድቲ፡ ኮካንታ የሱሰካ እመንሰኮ ደእሰባብከሰም ሳብ የሱሰካ ክክን ከትም ተይዐተ።

15 ጮይሰዘንካ ዎ ተያን ቃለንግንዳ ዎ ኬዘድንዳ ኮኔ፡ ጮይሰ ክት ዐተርን የለልታ ሰንፔካ ዎታ ማትሶ ዶቅድባብከሰ ደእሰባብከዘንካ እሪማዮቲ።

16 ክቴንም፡ ክታይንቕን ክድባብታ ኡፍሰካ፡ ሳብታ ዐድንተንታ ፋገርድን ጨርንበነረ ኤሰምተሬ፡ ጮይሰ ይንታ ማታርከረ ከት ኬነታ ዎክያር ማትሶ ጭላርንካ ዐዴ፡ ክርሰቶሰካ እመንሶ ደእሰባብከሰረ እሪምሶ አምተረኬ።

17 ኮታ ቡሪ ዎታ ሰንፔካ ዶቅድባብከሰ ጮይሰካ ዞገዘን ዐፈርካንታ ከትካ ክክን ኡፔካ እምድቲ፡ ሰለንክንደተረ ጮይሰካ ክክን ማተሮቲ።

18 ኮካንታ ኮ ቃለንካ ክክ ክክ ዳቅሰከቲ።

5

ጮይሰታ ዐድንተን ግግምሶ ካርሰ

1 እስመንከሰኬ ምቕንንከሶ! ኮና ሪና ማድንደታ ሰለንከሰተኬ ለእንከሰታ ዐረነረ የካንታ ጸፍ ዝክሳዬ።

2 ጮይስ ዐድን ሰጪና፤ ድቢይ ሶይት ዐድንደትግንዳ ማትነተን የታ የነታ ማታርንካ ኡርስት ኤዘደቴ።

3 ኤድንከሰ “ሙዳ ሪና ሳራትቼካ ዳብን ጋይሴ” ኬት ጋይድንካ ኤተን ሰርመንደትም እቸረት ኮትም የድንደትግንዳ ካይዘድንዳ ፉትን ኬታዘን ጋይተሬ፤ ዐዳንግከረ ሱርታየኬ።

4 የታ ማቼ እስመንከሰኬ ምቹነንከሶ፤ ሰጪና የንዘን ድቢይግንዳ ዐዳባብ ይና የታ ኡማር ካየቴ።

5 የታ ሙደነረ ሳክማ ኤድንከሰ፤ ዐየክንባብ ኤደቴ፤ ዋታ ሶይትታ እነረ ኡምንታ ኤድንከሰ ካየቴ።

6 ኮካንታ ዋ ንጋ፤ ዋንታ ማተንም ቆለሮቶ ዋንታ እምነተንከካ ዋ ደቃጋካ ዳት አብንከሰግንዳ ዋ ዐይግንኦ።

7 ግንእድባብ ኤድንከሰ ሶይት ግንእደኬ፤ ጎዘድባብከሰረ ሶይትካ ጎዘደኬ።

8 ዋታ ማቼ ሳክመንታ ኤድንከሰ ዋ ማቻንካንታ ዋንታ ማተንም ቆሎሮቶ ዋካንታ እምምሳንከካ ዋ ደቃ፤ አሜንንምኬ ሶልመንም ሰብልግንዳ ዋ ቆበራ፤ እቅንተንታ ዐድን ጉርምንም ቆጵግንዳ ዋ ዋዳ።

9 ሳብ ዋም ኤልሳንዳ ዋጭካንታ ማታክናና ዋንታ ጮይሰን የሱሰ ክርሰቶሰንካ እቅንተንም ዋ ዐብድንግንዴ።

10 ክርሰቶሰ ዋካንታ ክት ደእሳንዳ ሰንፔካ ዋ ደቅሰረ እነረ ዋ ደእሰረ ክትካ ክክን ዋ ደቅድንግንዴ።

11 ኮካንታ ታ የ ይድንደትግንዳ ዋልቀና አብንም አሌር ክቲም ዛብሳ።

በእንታ ዞረኬ ሳራትቶ

12 እስታ እስመንከሰኬ ምቹነንከሶ! የንታ ዋክያር ፍክሰካ ጋብድባብከሰም፤ ጮይሰ የሱሳር የም ክድባብከሰምኬ የም ዘራካንታ ማቸባብከሰም የ ቦንቸተርንግንዳ የም ምግዘደቴ።

13 ኬታ ፍክሰንጎከረ ከትካንታ እንድር ቦንቹከ ሶልማ የንታ ደቃ፤ የተረ ክክ ክክ ሳራትቼካ ደእከቴ።

14 እስታ እስመንከሰኬ ምቹነንከሶ! “ቦዘንከሰም ዋጭከቴ፤ ጳዘድባብከሰም ዛብሰከቴ፤ ጋፍሰባብከሰም አላ አልከቴ፤ ኤድ ሙደንም ዳንዳእከቴ” ጋይሶቶ የም ዘርደቴ።

15 ዐየንረ ኤድ ዳቅልንታ ካርያር ዳቅልን ማዘዳክንግንዳ ካርሰማ፤ ሰግሰሰረ ሙዳዐይካ የታ ክክ ክክተረ ማታ

ኮትኮግንደረ አብን ኤድንከሰካንታ ሙዳ ኡርመንም ይይካንታ ዳእከቲ።

16 ሙዳዐይካ የም ጉርምሳ፤

17 ሙዳዐይካ ዛቃከትደቆ ምክሰከቲ፤

18 ሙዳ ሪካ ሳብም ጋለትከቲ፤ የሱሰ ክርሰቶሰካ የንታ ደቅድን ደቅንተናር ሳብታ ጋይተና ኮኔ።

19 እያን ጭልንታ ፍክሰንም ዐይካይሰቲ፤

20 ቤርካ ኬዘርድንደታ እምንተን ዐይቶቹቲ፤

21 ሙዳ ሪን ጳጭከቲ፤ ኡርማ ማቻንደትም የድከቲ።

22 ዐምነረ ደቅልርዘንካ ጎተርከቲ።

23 ሳራትቹንታ ጮይሰና ኖይንታ ማታርንካ ሙዳ ሪንካ ይንታ ፋሰምሰባብ የም ክት ማሳ፤ የንታ እያንና፤ የንታ ሰንፔና፤ የንታ ዘነና ሙዳ ዋንታ ጮይሰን የሱሰ ክርሰቶሰ ዐድን ሰጩንካ ይንኤርዘድን ሪካይሳ ካርሰምሶ ደቃ።

24 ኖ የም ኤልድባብና እሜንምሰባብ ይ ማቻንካንታ ኮም ይዴ።

25 እሰታ እሰመንከሰኬ ምቹነንከሶ! ዋካንታ ምክሰከቲ።

26 እሰመንከሰምኬ ምቹነንከሰም ሙዳ ቡዳርንካ ሶንቀሮ አቦ ከትም ጋይካ።

27 ኮና ክቲና እሜንድባብ ሙድንካንታ ናበብምድንግንዳ ጮይሰታ ላምካ ዋደ የም ጋይድቲ።

28 ዋንታ ጮይሰን የሱሰ ክርሰቶሰታ ዉቕ እምንተና የንካ ክክን ማታ፤ እምንኤ።

ክል ጫቃ

Gayil: ክል ጫቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab